

四庫全書

集部

欽定四庫全書

集部

紫山大全集卷六

詳校官中書臣孫球

侍讀臣孫球覆勘

謄錄監生臣南光賦

欽定四庫全書

紫山大全集卷六

元 胡祇通 撰

七言律詩

聖瑞

并序

至元九年天壽節大名路得白兔一同表來獻用之
都事作詩以紀聖瑞要僕繼作敢以不敏辭勉賦八
章

縞服毳毳雪不如畫龍明穗稱
跌居忻忻知幸辭田畝

望望承恩拜玉除
修鬣素垂雲母髮
雙瞳紅點水晶珠
凌雲一賦嗟何在
辛苦昌黎似少迂

兔因潔白作禎祥
遠貢來瞻日月光
却笑人生自卑辱
忍將天爵陷污賊
迎逢涇渭清為濁
顛倒裳衣綠作黃
感物傷時不成夢
玉壺天地月波涼

月窟高寒桂樹林
元精孕秀得純陰
金烏影外自昏曉
玉杵聲中無古今
體魄神魂幾寒暑
鬚毛皮骨盡瓊琳
守株痴子毋相待
瑶草秋風禁苑深

五色無如白最良，仁柔孰與卯君當。
不勞虞吏施罟網，要並嘉禾應吉祥。
荷外綠龜來矚目，花邊孔雀喜生光。
玉鸚飛下瓊華殿，巧語先呼萬歲觴。

天生仁獸出明時，愧乏瓊瑰爛漫辭。
身帶桂香餘遠韻，光如尺璧絕纖疵。
難依野菊棲霜棘，合向瑤階食玉芝。
更看皇朝多上瑞，百僚清白吏無私。

桂香宮闕玉階除，搗盡玄霜日未晡。
偶被天風吹俗夢，戲來人世曳瓊裾。
遠離徒侶忘奔競，愛惜丰姿恐易汙。

一著玄裳作毛穎也教人道不中書

紫鳳蒼麟瑞應頻老魏釋褐雪衣新幸同服色生來巧
要被恩光性自馴霜冷蟾宮迷去路雨晴靈囿淨無塵
可憐狂狡謀三穴甘與妖狐野鼠隣

明眎僊還嗣子多觀孫墮地鬢霜皤匿光使物名空在
八月乘蟾術已訛羣類尚迷玄圃草千年竊食玉山禾
衆同獨異呈祥瑞媿愛魂菟奈爾何

慶王直卿父母壽九十

由義居仁善守身八珍五鼎事雙親錦囊玉軸詩千首
鶴髮朱顏壽九旬慈孝一門宜異應安榮五福萃佳晨
更看萬里前途遠定作忠良柱石臣

和許叔海仁兄壽席

德修業廣玉無疵五十餘年句讀師慰眼囊無阿堵物
起家天與寧馨兒魯侯不遇庸何害劉向傳經自有時
願縱林泉閒杖屨風煙如畫鬢如絲

慶昭文夫人壽九十

母儀婦德兩能全猶有塵寰未了緣
共喜春新開九秩
豈知天上小千年西王母會終當赴北斗
城歡定再圓
且飲大椿椿下酒笑看東海變桑田

宋總管太夫人九十壽

金鳳花開白玉堂慈闈九十愈康強
喜生兩臉丹砂潤
明發雙瞳點漆光祿養侯封純孝志
恩頒畫戟舊門牆
古今賢女知多少不似高門福祚長

慶趙總管八十壽

三首

挾槩彎弧勇萬夫，燕居冠帶一閒儒。
處身儉素貴如賤，學道謙恭有若無。
鐘鼎清名出倫輩，鄉閭遺愛及樵蘇。
漫將八十為公壽，矍鑠飛鞍不用扶。

乘時騰達上青雲，致政歸來有幾人。
畫戟朱門誠貴寵，里筵鄉社更情親。
戰攻摩撫多奇計，壽考康寧得此身。
門巷綠陰松竹底，坐觀桃李鬪鮮新。

壯歲亨途易著鞭，晚年名節例難全。
不因念念子孫計，即為區區妻妾妍。
貪俗足為廉士恥，高風誰在使君先。

從今受用休官樂德齒尊榮四十年

寄雷彥正

才藝如君豈久閒可能高潔掩雲關行當冀北千羣選
莫厭終南一帶山壯歲功名從造物綠衣蔬食悅慈顏
西南望眼三千里夢裡芳踪不可攀

寄趙輔之

荒詩前月下樊川想像開緘一莞然以我夢君常耿耿
知君念我亦懸懸鄙言儻惜馳千里何物相思破積年

好在王雷三益樂月臺風榭往來篇

寄朱誠甫

人來聽說拜嘉除夜久無眠喜有餘德立不勞求捷徑
仕優仍好更觀書調絃固合張還弛納衲當知急與徐
吾弟天資素溫雅人間何處不安居

寄王景伯

江陵一見偶相逢別後相思似夢中歲月白駒飛過隙
人生社燕避秋鴻愛君磊落青雲氣笑我蹉跎白髮翁

樽酒論文定何日恨隨流水到江東

寄李裕卿

五載分飛一寄書年來更甚信音跡雖無尺牘傳聲迹
賴有人來話起居委巷常思淹絕足俊才久合拜嘉除
廟堂勿謂無知己漏網橫江百尺魚

寄杜緱山

拜君歲久敬君深別後憐君更苦吟衰柳寒煙迷徙倚
廢城春水幾登臨都將豐歲中年夢換却荒雞半夜心

種竹買田隣舍約自慚無計即相尋

詩成政恐無人讀食足難為作計疎
百畝未供陶令酒
一區先得子雲居坐聞里士來傳業
榮勝王門強曳裾
鄉社雞豚重相訪不妨騎馬到階除

寄謝隴西翁

打門問客自西來未語凡襟覺少開
走卒趨傳有釣命
歡悰端似上春臺只因眷眷蒙多問
愈自兢兢愧不才
邂逅何時接清論一江春水濯心埃

寄王子初

東南西北千餘里相憶相懸五六年俗狀塵顏時自笑
急流勇退羨君先即時亦有一杯酒負郭誰無二頃田
夢裡共尋溪上路藕花風露並吟鞭

寄張周卿

社燕秋鴻十五年祇爭青鬢與華顛雄才宜作橫秋鷲
老境惟便負郭田千里關山空目斷何時風雨對牀眠
年來夜夜還鄉夢接袂聯裾滄水邊

寄陳濟民

霍家書畫見君詩，心畫清雄絕妙辭。
南北十年成久別，關河無日不相思。
夢中見面髯如漆，鏡裡嗟余鬢已絲。
白髮多來故人少，笑談握手定何時。

寄西巖諸公文甫士能文舉仲宣

年來長路苦奔馳，却羨書窻靜掩扉。
坐守冷官如旅泊，出逢高蓋炫輕肥。
塵生南浦閒游履，苔滿西溪舊釣磯。
屈指幾人麟閣像，春風好在故山薇。

宦情元薄似春水，况復重經寵辱驚。敢自持才求好爵，誰能努力趁虛名。黃雞空負秋成約，白髮潛隨夜雨生。寄語山靈休見笑，草堂無恙得歸耕。

寄王秋澗

前歲同舟曉渡江，歸來相繼月餘強。平生進退常相似，老去功名有底忙。喜見童孫能洒掃，厭逢新進問行藏。求田負郭方今遂，春暖安排手植桑。

客至誰嗔少，送迎鄉隣子。姪要傳經望，前失後嗟昏。耄

數墨尋行甚典型，執卷真成村學究。
隔窓羞見夜飛螢，休言稽古全無力。
不負當年汗簡青。

錦繡文章下筆成，甚無一字落柴荆。
青春得意新桃李，白髮相看老弟兄。
一世愛君心不淺，百年見我眼偏明。
從今酌唱無虛日，一字當留萬古名。

衰老無能得退休，有時往事上心頭。
居官合盡人臣禮，過慮常無天下憂。
習氣不除還自笑，多思無補竟何求。
高情四海王秋澗，幽谷鳴琴幾獨遊。

寄王立甫

短簷寒日箭逃絃夢裏清談又一年白髮衣冠俱老矣
黃塵鞍馬兩茫然句無可詠詩難寄文不成章書懶傳
唯有中天一明月照人相憶共嬋娟

寄吳蔓慶

經史詩文力有餘晴窓遊戲八分書三徵不起非求價
一適無邊足自如按譜覓花人遠送和煙種竹手親鋤
料應安樂窩中夢不與辛毗共引裾

寄高道之陳介甫

不接清光逾十年無情日月若流川經綸汗漫隨人用
銓調匆忙逐歲遷一事未成宜老矣百年何處樂終焉
春風吹破黃梁夢擬買西山二頃田

寄傅士開

三十年前分袂時玉鞭驕馬怯丰姿今年燈下忽聚首
鬚髮雲間似欲絲對語尚疑殘夜夢一杯難慰積年思
雨中驛馬催人去點點傷離恨別時

岱嶽觀柏

土人以為漢柏一人抱匝者
二株餘二株過小六分之一

託身得地岱宗前元氣先同金石堅
生死便期三萬歲
暑寒休數二千年上參碧落超羣木
下插深根徹九泉
不是挾才將傲世却因難用得天全

何歲何年得此身避秦歷漢到茲晨
剛中不許雪霜苦
短景幾看桃李春時有壽山來悅目
世無良匠敢揮斤
天教留在存深意梁棟明堂負萬鈞

壽哉茲木得遐齡日月於今幾晦明
最小孫枝橫偃蹇

長生香葉不枯榮
龍臚虎脊鑲形質
霆迅雷轟助嘯鳴
賦分無人詢造物
朝菌夜合可憐生

木中原有不凡材
直幹排雲力未摧
一歲半絲增廣袤
三人連抱始周回
窮冬大雪陰逾翠
六月無風寒自來
坐笑園林紅與紫
背陰憔悴向陽開

岱宗餘潤發清雄
雷雨批崖起柏龍
不放飛騰歸瀚海
故留天矯護神峯
影搖御路昭羣望
翠鎖天門閉九重
應笑老松虧晚節
旃幪雨電寵秦封

杞梓楸楠無限多，幾番生植幾凋磨。
駸駸儘放流年度，挺挺其如勁節何。
已約山靈常健在，永同月影共婆娑。
泰山如礪海如滯，才見雲初碧玉柯。

恨我詩才乏湧泉，愛君高節碧參天。
月明風細唳霜鶴，日暖雨晴生紫烟。
碁局子聲時破靜，石牀清蔭樂高眠。
蒼苔滿地無塵跡，一榻誰能養暮年。

魯兩先生去不迴，無人來此共徘徊。
要乘明月龍蛇影，醉倒清樽文字杯。
深翠掛冠吹白髮，長根作枕卧蒼苔。

醒來坐倚還三匝
矯首凌雲萬丈材

都省以諸路事有未集選官督問彥博郎中奉
命南來事畢北還以律詩二章贈送兼謝佳

製見賦

見君眉宇得君心
辭簡容莊志趣深
頤蓋寫誠何落落
催人歸轡恨駸駸
難忘清話燈深夜
拜辱新詩字萬金
寒鴈迎霜來未盡
倚樓翹首望佳音

每因臨事愧無才
為國儲賢路未開
耆德高年傷老死

後生隨俗走塵埃，豈期滿眼蓬蒿裏。
忽見凌雲杞梓材，去去此身當自重。
等閒聲利不能回。

寄王彥材郎中

去年秋晚過金臺，一醉連朝洗惡懷。
歲律忽周思往事，羈愁無緒坐空齋。
荒庭草合迷深徑，積雨苔凝漬古槐。
連檄羨君徵不起，曉眠花影上簷階。

暑退秋遙鴈過遲，尺書無計寄相思。
長令好客時中酒，猶勝空庭獨詠詩。
畫靜狼山樓醉倚，暮涼雞水棹輕移。

安居每念羈棲苦音問寥寥恐未宜

揚歷清朝仕業昌豈容袖手看人忙江山久負時聯轡
風雨何當夜對牀一曲浩歌消滯思百壺清酒澆離腸
那知月旦評中語公論年來話更長

有客南來問起居知君無日不安舒香浮玉蟻尊盈酒
聲散牙籤案有書鏤犬韝鷹閒戲馬月舷風網靜觀魚
人生適意忌多取但恐徵書下玉除

十年飛散水中魚底事年來會合疎但得清安時到耳

最憐寥闊久無書不才暗愧虛叨祿壯歲遙歎早遂初
本是為貧歸未得延恩新例許懸車

龍鍾疲軟列朝班却著英遊袖手閒若水英風元勇退
馮瀛老境更癡頑恥隨竊位同招謗徑要投林靜掩關
史筆因君定名節一時黃髮合慚顏

老人星

葱葱佳氣徹南訖日月風雲喜共和催起外臣華髮老
拜瞻丹陛聖顏配西王母至蟠桃熟北斗城高彩鳳過

風送山呼聲未闕地祇庭下獻嘉禾

寄答徐尚書

并序

拜違鈞誨倏忽十餘年思見之誠雖切而拜問之禮
久廢負罪何言濟寧東平相去不遠初來方欲貢狀
敬問起居又先辱詩什且以鄙言見索愈增惶愧謹
繼高韻呈復兼謝某頓首再拜尚書尊叔侍史

阻陪鈞履十三年望斷西風鴈影偏屈指燈前同父執
於今海內兩者賢聲容親接踰三舍禮義風流共一天

珍重佳章先見貺敢稽裁答往來篇

玉堂清樂記當年每辱高明愛我偏論事直須求至理
立言恨不到前賢隔籬送酒日生枕剪燭吟詩雨滿天
一自羣英分散後十年今日拜佳篇

覽鏡長歌惜壯年生平賦秉自知偏不因蜚鴈已求去
只為鱸魚亦自賢日上簷花梳白髮雲收鏡面看青天
北山今歲移文至可老狂吟廢幾篇

相君耆德養高年不逐時人步履偏肆口成文非漫興

百年元氣更誰賢和顏雅量婁師德旨酒歡悰白樂天
佳客滿門無俗事定應日月有新篇

貴高能賤富能貧肯著驕淫汙此身晚寐夙興思獻納
端居深念為經綸堅持耿耿忠貞志要作堂堂社稷臣
保守此心如鐵石紀功書德豈無人

戊辰冬至

雲物疇能辨吉祥葭灰誰復候新陽厭憑客枕寒宵永
喜見書窓暖日長撥去是非閒掩卷洗開清觀靜焚香

旅懷值節方寥索阿永來前進壽觴

偶成

退食委蛇百慮新漫誇事業在經綸
乘時偶作登龍客無術慙為入幕賓
莫喜肥甘潤枯質曾無恩澤到斯民
馬前走卒休嗔咤公議潛歸市井人

每恨平居不我知問渠今日竟何施
因人碌碌漫成事舉世庸庸與易誰
委順漸如隨侶鴈剛稜自笑脫囊錐
一杯飽食黃粱飯睡足槐庭畏日遲

命安齋主寄詩來把翫歌吟卷復開似厭羲皇閒日月
要同俗吏走塵埃只知芻豆填牲腹不識青黃是木灾
試向碧天清夜望惡雲妖霧鎖三台

七年四月上旬閉門即事時移入新居五月矣

九日勤劬一日閒宿陰雲重雨濳濳寄身京國家千里
僦舍民居屋兩間僅有陳編遮老眼惜無家酒洗塵顏
却如三日惓惓婦癡坐無言書掩關

日月高峯瀉急流功名逆水阻風舟未能瑞世如麟鳳

只辦隨人作馬牛千里暮雲瞻去雁一江春水夢雙鷗
驅人寒餒無情甚直要京塵坐白頭

有母晨昏闕起居有兒失教廢觀書為貧來仕庸何害
抗志違時計已踈屐齒不投言偃室官銜難掛巨源書
從教一鷄無人薦袖裡新書亦自如

湫隘喧囂雜四隣門扃蝸室擁朝紳敢辭凡鄙曾為伍
要便奔趨夜向晨一日清閒聊適意明朝偃僂又隨人
捫心尚喜京官貴猶免郊迎驛馬塵

送伯祿都司之官潞州

幕畫河東記昔年恩威公案到今傳三年籌筆都司劇
五馬分符刺史權故吏老農趨道左過家上塚正春妍
從今卧治堂前草更比隣郊雨露偏

可惜牛刀落羸肩內勞外逸遍推遷孝心正喜趨庭便
仕版何妨得路偏暖日兒童迎竹馬春風庭宇倚蒲鞭
隨車雨足無餘事軒蓋農郊諭力田

河山表裏天下脊民俗淳儉唐遺風太守清心能省事

東郊何地不勤農，豐年易覺徵租足。
無盜奚煩報獄空，上計書名二千石。
考功上上看今冬。

寄侯都司伯祿并簡崔郎中周學士

燕南六月暑如湯，却憶都城立晚涼。
塞草梳風煙作縷，野芳承露錦生香。
朝知禮讓邊烽救，民樂昇平書畧長。
遙羨英游日無事，新詩佳翰滿書箱。

退食從容日未斜，讀書談道更清嘉。
論量往事蛇添足，歎美前賢玉絕瑕。
每恨鐘聲不留客，奚知林影照歸鴉。

嗟予十畝空庭裏
隱几攄頤度歲華

寄子勉侍郎

手板持來舉首稀
一杯燕酒又分飛
西風老屋寒無客
涼月空庭靜掩扉
館閣豈能辭淡薄
鐵鹽元自得輕肥
大明湖上人如玉
幾度蓮香露滿衣

夢裏同君月夜游
碧蓮香鎖木蘭舟
相看喜叙三年別
一醉從教萬事休
麝墨香濃揮草聖
宮羅扇軟聽名謳
覺來書几青燈畔
老木蕭蕭客舍秋

十頃腴田千本桑幾時不踏利名場曾拋世路風波惡
細嚼農家興味長落日牛羊來遠近接天禾黍半青黃
只知豐歲無餘事睡足筠窓暮雨涼

攬鏡俯然懶散身枉教塵土浣丰神未能勲業赤如日
何苦鬕鬢白似銀牢落棲遲長作客躡屨偃僂每隨人
醉魂虛負扁舟夢萬頃風烟一幅巾

布褐溫涼錦綺同一瓢飲足了千鍾初無精細為心累
何貴行藏不我從此日朝衣陪後列異時藜杖伴春農

生平義命安來慣不墮人間三禡凶

身居太史論功地性喜東家種樹書直以虛名叨厚祿
愧無健筆作宏儒偶陪辭客登天祿忝與經生列石渠
黼黻皇猷非我事晝眠歸夢繞江湖

田園卜築藹相望久負聯裾踏晚涼手植柔桑高作樹
蹊分弱柳密成行錢流鞭算猶堪喜墨抹朱塗有底芒
聞說村翁時見笑瓠頭新蟻幾浮香

夕冷朝炎勢利交故人久別夢徒勞倚樓長望天空濶

擁鼻微吟思鬱陶
脫迹雲林遠巢許
無媒廊廟續夔臯
一官千里遙相憶
不為西風已二毛

羨君隨寓即安舒
顧我多思不自如
幸即為貧來入仕
却因嚼蠟每懷居
四年京國三間舍
萬里功名一篋書
莫吝音辭數相問
順流時有北來魚

不為啾啾欲作詩
假辭成咏寫相思
秋鴻社燕長相避
飛絮流萍無定時
故紙虛銷天上日
清霜偏照鏡中絲
幾時不着離愁管
鶉鳴相喧隔翠籬

謝答張夢符畫梅竹扇

十載無從謁下風，偶因便面揖清雄。
橫斜籬落經過熟，與可溪湖興寄同。
清影故人來萬里，熱中無夢拜三公。
惡塵揮斥元規遠，歲晚當為鄰舍翁。

送趙良卿問事畢還燕

老繆歡忻不自持，青雲人物出明時。
王褒已獻賢臣頌，慶曆誰歌聖德詩。
穀帛價隨時雨減，金珠市比去年遲。
太平十二匡時策，從此河汾不費辭。

好語先從市上來，繡衣直指使君迴。
問民疾苦宸恩重，去吏奸貪賢路開。
喜見青天懸日月，願將白髮老蒿萊。
吾家貧窶無釵釧，盡典琴書餞一盃。

生來不識採時官，今歲何年拭目看。
鰥寡從茲無失職，老癯扶杖喜衝冠。
隣家貸粟能充飽，歲晚單衣亦不寒。
執手送行無所贈，一天和氣滿歸鞍。

常時酌別總傷情，此別歡忻不自勝。
四海蒼生思雨露，一時使者盡才能。
只知與衆除冤苦，不惜浮辭起愛憎。

更好都堂堂上說太平有路直如繩

陶鈞萬物本無私桃李春風又一時再拜京師賜租詔
高歌田野感恩詞久陰忽霽誠堪喜野鳥為鸞尚可疑
羨汝英姿似鵬鷲疾邪奮翼逐梟鴟

送宣撫輔之奉使日本

恥署隨人紙尾名要陵絕險得英聲精誠天日孤帆健
談笑風濤萬里行海外尉佗雖倔強漢庭陸賈更忠貞
片言要領來威表一使勝於十萬兵

休矜積水怒連空利病分明合我從恃險幾能延世祚
畏天長得保藩封九夷餘種難為勇三脊包茅亦易供
已勅先驅東海若掛帆風順靜魚龍

米鹽細務簿書叢安得驚人蓋世功直抵有名無路險
招呼歷世不臣雄德音曉入太宰府降船晚出扶桑宮
却笑張騫無伎倆久持漢節老西戎

送王僉事赴臺

文武全材正氣生天教發越贊昇平栢臺蘭省爭推引

馬走牛童識姓名外內端人增感激貪污姦黨死憂驚
至寧朝野誠無事更賴嘉謨溢頌聲

寄世昌僉事

私託繁來書禁嚴鬱陶千里共厭厭參商易地終相合
瓜李無心也避嫌花結清燈空好暈喜鳴晨鵲漫虛占
祿微歡奉慈闈壽別有高軒待孝廉

送陳按察僉西省事

辛苦臯夔翊廟謀雨風時若百無憂全材妙選臨西極

開府先封定遠侯
天馬蒲萄成歲貢
雪山青海八邊籌
細旃廣廈唐虞論
未信諸羌得久留

河西五郡實雄藩
為地求人古亦難
左顧北陲連壁壘
右臨南服控夷蠻
幾年天下無雙士
今日軍中有一韓
何待三霜詞異政
先聲飛越賀蘭山

自慚樞簿書叢喜
見英材建絕功
遭際真成千載遇
瑰奇誰識萬夫雄
霜鬢橫海吹高浪
雲翼垂天駕遠風
一舉為人勲業了
黑頭何害作三公

不悲分手遠，睽離器識如。君更有誰文，為經綸自溫雅。
詩無雕琢亦新奇，疾邪奮發千鈞弩。力學期為百世師，
明夜賀蘭山上月。三千里外照相思。

寄耶律監司

不聞正論踰三月，夢想清光若隔年。老去自知多謬誤，
人來毋惜示融圓。暑寒尚不能同氣，花蜜如何得兩全。
真是真非誰與辯，俯慚枉矢偶當絃。

愛君晉字與唐詩，客舍寒更入夢思。春草池塘水泮後，

微雲河漢雨餘時揮毫痛快沉雄手滿臆清新絕妙辭
咫尺玉環泉下水濯纓歌罷浣離卮

送御史誠甫之任

姦邪屏息膽常寒霜簡朱衣鐵豸冠榮拜方將辭闕下
英聲先已過江干三吳疲敝何多幸兩浙貪污罄一彈
此去豺狼莫當路栢臺翹首障狂瀾

又寄康谷才御史

邇來粗辦買山錢去作東隣漸有緣必竟功名何日了

懶陪桃李媚時妍
不才無分封侯印
生事終須負郭田
月下敲門成夜話
告閒何必待來年

又寄康御史

聞說溪亭構已成
未能輕易贈佳名
才移藕種開花並
新下魚兒作隊行
玉立晚山供遠目
鏡光秋水照閒情
卜鄰未得東偏地
自笑年來塵土櫻

又寄王立夫侍御

一別清光又幾年
相逢應訝兩華顛
騫騫奮舉君堪慕

碌碌無成我自憐，激濁揚清隨落筆。
復逃扶困勸耕田，各從所遇身強健。
但恨西風鴈影偏。

送張教授還職

坐掩齋堂再閱春，寥寥後學聞無人。
空翻著述書盈几，不啓緘封印滿塵。
志士百年良有道，先師遺訓豈憂貧。
功名富貴從衆矣，必明經及搢紳。

送張肯堂教授廣平

後生賢俊豈無人，滿眼師傳恐少真。
莫訝進修多碌碌。

皆因訓誘失循循升騰高邁藤依栢中正方圓泥在鈞
吾友誨人能不倦廣平桃李一番新

寄答許叔海教授二首

不見高吟二十年一時驚墮客窓前都將去國思鄉夢
併在乘風下水船固喜松楸重拜掃只愁妻子苦留連
因君喚起還家念北望荆山一慨然

朔南萬里一車書何處田園不可居莫笑紇乾山上雀
正同淮泗水中魚季鷹不為萼鱸羨江搃馬知鬢髮踈

老去不同年少客年來吾亦夢吾廬

順流東下立飛帆仕已那知三復三江水未能消客恨
荆山只解聳晴嵐君為楚鳳翻來北我本燕鴻復在南
四海為家有今日不應遲久隔清談

歸潛洞

嚼破人間世味甜終南佳處得歸潛綠蘿陰合雲封戶
翠篠香生月滿簾酒甕四時常有醞火天三伏不知炎
才名蓋代陶弘景未信清朝許退謙

盤盤石磴夾松陰中有幽居避世深
南牖陽和生硯草西軒秋氣靜雲林
貴交廢務來投轄野鳥停聲解聽琴
捷徑移文俱有誚好名索價兩無心

答仲謀見贈

打門人寄故人詩瀟洒高情絕
妙辭荏苒三年成久別
慙慙千里慰相思清朝未遂同升願
絕世能無奮迅時
門外寒泉籬下水莫教生滿鏡中絲

卷懷長策樂田園山擁垣籬水遶村
茅屋倚雲詩獨詠

楓林月落鳥爭喧
器閒圭壁人皆惜
敬起鄉間道愈尊
祥覽相看好兄弟
可能遲久掩柴門

寄答王仲謀

大器天留欲晚成
斯須齟齬不須驚
雄風未振排雲翅
健筆先馳後世名
俗狀塵顏人北驚
閒窓高枕日東生
何時淇水西邊路
杖屨相從話此情

答李昌道

別來相望不相忘
累辱雲煙金玉章
虛薄豈任多獎借

情親不覺過深長有稽拜覆增惶愧無計趨承話肺腸
唯有青天一明月清光千里照相望

四海文章第一流朝朝翹首望東州深巖老却千年栢
枝指人修五鳳樓冠履從來多倒置薰蕕不辨更何求
飯蔬飲水慈闈樂一笑比鄰為我憂

贈答洛陽楊子中

人生誰得洛陽田養志仍傳嗣子賢詩酒樂陪賓半醉
鶯花喜共日高眠韋編九絕猶窮易醬孰三糊細草玄

聞道孔林門弟子至今思慕日懸懸

寄西巖張參議

三年相別一相逢萍逐波流絮逐風得句倚樓空獨詠
舉杯臨水幾時同自憐游玩戒何事常看歸心趣去鴻
料得歲寒亭下菊久思佳客看芳叢

寄張參議

一飯相辭便北來西山無計暫徘徊逡巡半百頭如雪
奔走十年心似灰兒女婚姻何日了短僮良馬永相陪

人生眠食無多事，虛負生前有限杯。

題婁參議詩樹

敏詩誰復似參卿，百韻長詩一唾成。
格穩律嚴無長句，圓字巧有奇聲。
爛如時雨開新萼，紛若秋風散落英。
笑殺推敲驢背客，去留一字廢權衡。

武伯威持紙求鄙俚書此以贈

為儒便合學真儒，鄙俗先當力掃除。
閒似孔顏傳道德，用如禹稷佐唐虞。
權謀功利戕心賊，訓詁詞章覆轍車。

留取壯年長日月細從語孟下工夫

贈張子素

聖學汪洋滄海深志哉顏子獨潛心
斲殘萬石須求玉
淘盡羣沙始得金
細與琢磨成美器
更加鎔鍊惜分陰
誰知洛下楊夫子
應手鏗鏘起絕音

贈杜止軒

胸中涇渭自清渾
舌頰春風笑語溫
看破大方無畔岸
恥居小節作籬藩
百年放適詩千首
四海交游酒一尊

醉眼天風吹不醒
倒騎箕尾閱乾坤

題新修州學壁

守成天子擴雄圖
郡縣巖廊半老儒
已聽叔孫修禮樂
更從陸賈問詩書
弦歌里詠無殊俗
黨序鄉庠徧八區
亂後吾鄉有今日
春風回首賦歸與

送康御史謝病南歸

共將口舌取輕肥
獨捲談風謝病歸
當路無由去豺虎
駐車誰欲問狐狸
暫回沙路青駉馬
高卧雲山白版扉

留在胷中治安策青雲萬里豈無期

翼翼爭飛喙喙鳴誰能無意貴公卿仕途自有熙熙業
衆忌何須赫赫名借問鐵冠朱服夢爭如筠杖碧山情
倚天長劔那閒得暫向西溪看晚耕

納涼

赤日燒空萬里晴人間何處避炎蒸玉湖遠水波無際
高柳清風陰萬層靜境洗心無用扇新泉漱齒不思冰
短童亦作槐根夢鼻息如雷喚不磨

送叅政西菴公總管軍懷

柱礎明堂足十年真心耿耿老逾堅
引年不允三章請建節榮居百辟先
先士論民謠中外一天恩臣業始終全
沁園春早東風軟花在籃輿醉夢前

楊叅政生朝

濟為舟楫早為霖四海蒼生倚望深
六載中臺殘夜夢一簪華髮濟時心
芬芳異政留青簡洋溢餘光照士林
朝野太平無事日樽前難惜二疏金

一身四海繫安危消患將萌世豈知守正弗迴心似鐵
愛君憂國鬢成絲浮言莫謗三緘口雅量宜為百世師
千載風流謝安石佳名只合擅當時

十月七日南簷負暄

十月朝陽暖似春朔荒歲晚得茲晨骨毛漸覺俱融浹
几杖全拋一欠伸直以蕭條淹壯志却應和洽屬閒身
徘徊顧影茆簷下猶勝權門炙手人

八月二十日夜半夢迴

夢裏辭家復到家，夢迴欹枕上天涯。
空庭老樹號風葉，滿耳驚濤撼客槎。
祿食不醫家四壁，旅情徒染鬢雙華。
只羞夢與妻孥語，示我行堦帶蝮

客窓夢迴

睡才成夢便還鄉，夢斷翻愁秋夜長。
圓月故臨羈枕白，西風偏向客窓涼。
一官報國無多補，十載離家有底忙。
不是風雲英氣少，米鹽塵冗鬢成霜。

鄉先生樂御史八十索詩為慶

汝水波翻沛水微老臣朝士晚星稀夢迴故國驚南渡
目舉新亭又北歸谷變陸遷有今日鶴長鳧短總忘機
誰思更入非熊兆里社黃雞啄黍肥

慶王狀元八十

堅辭不允老而傳几杖恩光又十年勇折桓文匡故弊
力扶周孔上經筵功成脚底非無地歲晚壺中別有天
丹竈河車俱棄物心空胎息自綿綿

塞破乾坤享重名玉堂東觀又尊榮還家風采頭方黑

開府詞章老更成
因事納言全晚節
引年謝爵見高情
香山如礪瀘清帶
才與斯文作主盟

慶馬雲漢七十

葛巾藤杖曳長裾
擾擾雞羣老鶴孤
神貫陽精宜炯粹
骨無陰滓更清臞
白衣蒼狗從渠變
茗椀棊枰足自娛
兆入非熊十年事
休將金鑷洗霜鬚

古臺

何處聊堪洗鬱懷
東風吹袂落荒臺
四年北寓人驚老

萬里南賓雁又回故國溪山夢花柳異鄉鞍馬厭風埃
黃金臺下如川酒自為蒼顏一笑開

趙樊川詩

不見英才杜紫薇樊川久矣失光輝江山秀潤豈終極
人物風流莫厭希恨不同時成並駕却教異代得傳衣
到今五百年來數竹裏重開趙氏扉

氣味俱高出處分勿因名實不同論誰知海底紅瑤露
渾似南蠻荔子雲此日樊川趙宣撫前身唐室杜司勳

談兵數論無人續
正要瑰奇為發源

長清晨起

朝日行天又一周
滿庭詞訟已啁啾
十年濁亂成凝積
一日澄清豈易酬
當路豺狼雖暫息
倚墻蛇蝎未全收
登車攬轡平生志
奚避姦貪笑白頭

寄張左丞相公

書呈禮廢三年久
悚息心為百愧生
鑑照愚誠無變易
寬容踈濶賴高明
險夷純一人爭羨
進退雍容世益驚

中統大臣今有幾好將餘論贊昇平

張右丞生朝同諸學士賦

夷險紛更志不渝英襟霜凜抗姦諛恩非已出怨何有
議以公行私自無海外春和均煦育席前夜半幾都俞
等閒莫作求身計才入昇平萬里途

贈方奉御彥通

雲龍風虎會昌辰聖子神孫結懿親智若湧泉能慎密
德如良玉更溫淳左經右史公餘晚假寐朝衣夜未晨

一片丹心赤於日凌煙圖像恐難真

滿耳英名二十年欲相親接念何緣豈期附鳳攀龍貴
偶到荒城野水邊不鄙腐儒垂款曲恨無長策久留連
天庭若問人間事萬里農桑願力田

送丁郎中致仕南歸

貧困多因血氣衰先生抗志獨辭歸急流勇退非今少
未老甘閑自古稀祖道盃盤從落寞懸車門戶儘光輝
叔孫禮樂蕭何律孰與朝廷證是非

安車起就連三聘致仕堅持罄一辭建白更張多有法
始終進退兩無疵一時故老存公論七字新詩匪我私
十月南方木搖落東籬正及傲霜枝

滿面車輪馬足塵龍鍾偃僂擁朝紳誰知苟祿尸餐日
却有辭官抗節臣賢路不慚妨絕足囊金儘可待嘉賓
後來縱有懸車請終是清朝第一人

田訟有感

井田既廢開阡陌萬古交爭啓訟門朝盛暮衰頻易主

吏姦文冗不勝冤務開務閉冬連夏人是人非祖到孫
塞破縣衙重足立草深耒耜倚荒原

戶差有感

租庸調外事紛紜版籍胡為故不真貧重富輕猶黽勉
彼逃我代實酸辛身亡戶絕鬼應役婦寡夫鰥名累身
篤疾高年休赴訴無窮冤抑向誰申

適安堂

霜滿朝衣塵滿纓幾人坐享素侯榮起居隨意無朝暮

寵辱忘懷任醉醒翠幕蘭蓀袖行織碧梧雛鳳讀書聲
題詩自笑謀身拙俯仰隨人又七齡

虎符銀印照門闌夢裏驚惶膽自寒明斷急流能勇退
此心無日不清安喜同李愿來歸早暗笑韓非苦說難
前日智囊高閣起團圞兒女勸加餐

命安齋睡起詩

洹水秋風一草亭先聲塞破大都城直宜矯矯勞三辟
未要區區効一鳴士賤堪羞拘薄宦人間難得是高名

年來久動還思靜俗狀塵顏已半生

十月十六日移居新都

僑寓移居第四遷慣移無地不怡然依依不捨閒書史
戀戀相隨舊席羶連雜市塵成擾聒奔趨官府便呼傳
掃除蛛網安牀榻留在蝸牛帶殼涎

侯門甲第屢更張賃舍那能計久長今日國忠籠馬廐
昨朝李靖考思堂幸從民屋容黥突猶勝僧牕強借牀
莫道十年無所得家書收貯滿囊箱

一作家具須當借車載十年安信滿

囊箱

趵突泉

積厚源深伏洑洄何年擇地擘山開石根怒激亭亭立
海氣寒催滾滾來正喜茶瓜湔玉雪只愁風雨湧雲雷
塵纓汗服初公退野友來臨共一盃

走天河漢繞天周一脉分差此逆流比藉浮雲未成雨
要令天地便行舟六陰積氣噴無盡萬里溟源不可求
巨浸稽天行潦水朝盈夕涸亦堪羞

何處伏流幾萬里擇地於此再發源借口卧龍噴雨雪
開關寶藏泄瑤琨高能潤下洪濤逝陽可兼陰沸浪喧
流澤不煩天漢水洗兵蘇旱淨塵昏

送樞參婁公行

并序

僕赴官太原前樞參婁公杜門鄉居以詩酒自娛累
以佳篇見貽每篇大者百餘韻小者不下五七十韻
二年於茲過數百篇自愧魯鈍畧無一字相報謝今
茲奮然有京師之行不免搢擢腎腸得五十六字以

錢行軒以答積年懃厚之萬一云

辱賦佳詩數百篇遠行寧忍淡忘言人非至聖誰無過
事屬明時獨感恩每誓真心終報國矚看老鶴再乘軒
朝廷親友如林在十手連茹百手援

送子卿都事之官單州

妙齡得路便青雲脫穎都司迥出塵儒術審權精吏事
仕途橫槩張吾軍隨朝日月憐多苦典郡麾符合暫分
一曲鳴琴堂上操要從千載接清芬

至元四年重陽登荆南城樓

樓名河山萬里

荆南十月始知秋
閒上河山萬里樓
吳楚微茫平野濶
夔巫開豁大江流
宜將綠酒催清唱
勿問黃花笑白頭
佳節易過人易散
一盃涼月更遲留

隨人紙尾書銜畢
聊為佳晨一舉盃
彭澤不須求渺莽
龍山還喜見崔嵬
詩從江水聲中得
目到吳天盡處迴
三楚六朝無限事
同歸野馬與塵埃

秋日憶故園

石為心思鐵為腸底事年來易感傷十載悲秋長作客
滿簪華髮尚為郎侯王大拜雖無分州郡徒勞不可忘
遙憶故園親種柳綠煙和雨鎖新涼

華不注山

歷山巖壑儘雄豪平野孤根迥自高脫海青蓮明寶供
倚天翠鳳理雲毛三周勝負兒童戲萬古西東日月勞
不大陰深不艱險好營別業結雲巢

渺渺平波菡萏香一峯嵐玉起中央青蓮出海便千尺

翠鳳叫雲今幾霜
卷畫樓臺資外護
芙蓉城闕借清光
最宜金碧屏風迥
流水桃源白晝長

女媧補天鍊雲腴
偶遺一峯投齊墟
不依亂石徒相雜
直矗平田只自孤
朝聞九合尊王誓
夕閱三周斬將車
問着興亡淡無語
夕陽寒碧上城隅

題趙伯恭母八十詩卷

子服慈親德業昌
母因子孝壽延長
九旬更比八旬健
十世流傳百世芳
玉茁蘭芽供几杖
錦章綺什盡賢良

恨余袖乏平原手大字真書戲綵堂

送王子勉之關中

齊課湧為天下最西南趨拜虎符金盈餘固自紆長策
舉斂由來非本心鹽價貴高秦俗苦糧車艱澁劍關深
更揮鞭算廉能手洋溢清光照士林

立法征高自賤夫止姦抑末計非疎一從權酷求豐利
誰與財源論復初專拜度支領鹽鐵細分緡算及舟車
羨君獨有匡時策公帑曾增民力舒

八政無如貨食先幾人心計更知權不因招克民稱疾
却倚公清事不前向日是非聽物議邇來廉幹獨君賢
殷勤調度邊兵廢開闢西南萬里天

寄申同知

聞說軒車倅廣平士農工賈總聊生即今鑿井耕田樂
他日攀轅臥轍情廉政共誇喧衆口豐碑會見著佳聲
去思一頌誰能辨未信龔黃獨擅名

十五年前識舜俞於京師後以宦遊不復聚首

舜俞今知濱州相去不遠邂逅有日退食之
亭扁名多月託義卿來求詩故有是作

不羨元龍百尺樓玉壺窓戶桂香浮脫巾萬里星河夜
滿意一簾風露秋照我舉杯何坦率迴頭顧影笑遲留
明朝赤日紅塵底吏集來前午未休

幽人涼夜兩相宜庭宇寬閒月落遲盃盡壺傾三鼓後
坐忘喧息幾人知池蓮寂寞香時送窓竹蕭森影緩移
風味淵明惟李白可憐異代不同時

和教授兄韻

墟墓興哀宗廟欽斯人千古不磨心
涓流積至滄溟水
拳石崇成太華岑
易簡工夫終久大
支離事業竟浮沉
欲知自下升高處
真偽先須辨古今

送韓廣道之燕求仕

仕路寬容十二車
安仁何苦賦閒居
俊才自有連城價
美譽何勞薦鶚書
祖道鄉人爭餞送
到京朝士共吹噓
豈同常例論資考
一舉青霄更有餘

送王艾琬求仕

白首窮經漫苦辛，
片中節便青雲。
羨君落筆文如錦，
抵掌愚儒甌滿塵。
儘看英才駕奇氣，
更將長策張吾軍。
何須吏部門前去，
富貴從今恐逼人。

雨不必多及時者為甘霖，
五月十五日夜半急。
雨破夢喜而不寐，
得七言律詩二章。

積水盈陂復滿塘，
麥秋已畢稻抽秧。
年豐有望村村樂，
農事無妨處處忙。
行旅不賫長路米，
有司申葺萬斯倉。

緬思喜雨亭中客一賦於今字字香

但使貧民無缺食
不辭破屋屢移牀

亦紀
實也

秋冬不雨到中春壠麥黃芽起早塵輸販乘時祈湯貴
賤貧無策救飢民誰知一雨連三日走逐羣巫謝大鈞
愚俗豈知皆帝力年年豐稔太平人

寄李運副

鑛山焦阜熾紅爐魯縞齊紈走販夫袖手計然三致富
笑人浪走百狂圖鶯花南陌饒心賞鷹犬西山足自娛

肯慰老懷多釀酒到家彌月恣歡呼

和杜茂仲韻因以勉之

長松千尺不凡材大匠相逢用自諧貞節要經風雪苦
妖容恥與杏桃偕萬牛迴首難為力百鳥和鳴識此懷
顧我期君久如此可能黃髮老寒齋

妙齡光景日昇東莫學衰翁老更慵吾道如絃當邁往
異端小術不須攻掩關却掃終身計舉足追風萬里蹤
用舍行藏聽天命不妨種子作高松

萬秋節大燕

萬國珪璋拜紫宸
八荒同染御香新
河山覆際乾坤闊
草木恩霑雨露均
聖子神孫森玉樹
虎臣文士曳朝紳
日車烜赫中天駐
聖壽宜過萬萬春

聖壽祝辭

海南遺老祝遐齡
要助萬呼萬歲聲
玉殿珠簾雲瑞合
金盤仙掌露華清
百王起舞衣冠偉
萬國來同劍佩明
聖壽綿綿天地並
年年醑飲樂昇平

玉露金風八月秋，萬年佳節瑞烟浮。
光搖天上雙龍闕，香滿雲間五鳳樓。
永日再中符企望，與天同壽萬歌謳。
小臣願獻南山頌，長從衣冠拜冕旒。

退食自警

看書才解細披尋，心眼昏花力不任。
却恨少時癡騃態，早無遠到老成心。
雖知改悔歸來晚，猶勝荒迷陷沒深。
白髮似霜心似鐵，公餘正好惜分陰。

送和之官

割剥姦賊四十年逃亡破屋帶荒田中天日月無私照
六合風雷改化權烜赫外臺分數路肅清汚俗寄羣賢
從今農里開門睡不聽追胥夜取錢

寄常提領君璋

還燕行李太匆匆厚意招邀愧未從去國離家非得已
賞心樂事最難逢屬官身世真庸保自富生涯埒素封
羨殺陶朱能潤屋日高睡足儘從容

佚老堂

胡子行年五十有九謬任提刑之責故終篇有此聯
佚老堂主人余不識也託昌道提學索鄙語故賦是

詩

人生七十老而傳舉世區區未息肩識破黃梁夢如此
閒梳白髮樂翛然四圍書籍千憂散滿眼兒孫五福全
應命題詩還自笑衰年纔讀呂刑篇

白石榴

開徹朱明畏日長絳英翻作雪芬芳冰肌玉骨涼無汗

月殿霓裳洗淡粧帶露折來消暑氣倚欄看罷失炎光
紅裙婢子那知愛擬寫清姿訪趙昌

響篁扇

應手清風滿意生隨風吹落舜絃聲吃喉解道不奉詔
強項那能喋弗鳴頗似鏗鏘奏金石無勞吹鼓邁秦箏
班姬幽恨詩難盡暗向騷人訴不平

寄廉平章

秋毫無犯誠狂貪清徹瑤崖及萬儋得衆豈多羊太傅

論功奚下杜征南平生不識明珠貴有口空緘蕙苒慚
按堵江淮農事了不妨書帙照黃柑

題王指揮賜龍頭玉拄杖詩卷

敬友王侯四十年忠貞志操老彌堅險夷武勇皎如日
誠實始終能動天湯武得臣勞聖慮伊周他日出羣賢
捧持玉節皇恩重靈壽何人可比肩

即事感懷

香通鼻息熟黃梁夢覺槐陰畏日長言直更當從款曲

事來宜道細商量莫將閒筆添蛇足勿用靈名號智囊
記取周生老成語快心事過必成殃

挽杜止軒

人生良苦百年身萬古雙眉不放顰巨眼仰天非正色
歡悰無日不陽春神奇腐臭何多幸螻蟻公侯共一塵
八十康強談笑了一襟收我淚沾巾

答姜中丞

拂雲歸袖謝華軒四海高閒靜樂園文雅風流孔北海

賓朋雜選趙平原得詩梅塢松窓下無意蜂衙蟻穴邊
人道黃臺新樂府只容元李叩籬藩

登禹城驛臺門詩

赤日紅塵漿汗翻禹城門上一憑欄
邑居戶寡市聲寂驛使人稀傳吏閒
暫喜得涼思困卧却因馳驛強加餐
舉頭忘却炎蒸苦放眼東南看泰山

重午前一日新居寫懷

六年清潔玉堂人不識喧囂市井塵
明月良宵深院靜

綠陰晴晝大槐新
輕閒責任驚憂少
枯淡交游語話真
今日黃梁炊竈畔
戎夷胡越共為鄰

靜坐

萬變來前不動心
湛如秋月自清深
兩歧白黑朝還暮
六合塵埃古到今
海市蜃樓更起滅
風花泥絮幾升沉
邇來世味俱曾嚼
一刻閒情抵萬金

送王善慶北行呈侍御飛卿

壯年飛奮經綸志
千里懸懸父母心
固願便親供養米

敢為躍冶不祥金無施不可才堪惜較短量長議更深
自有栽培桃李手歲寒臺栢貯清陰

趙留判八十

田園成趣子孫賢致仕歸來又十年驚見時官皆逸進
怕臨鄉飲少齊肩體癯神旺人爭羨虎伏龍升別有傳
今歲籬根種松栢更從毫末見參天

州解瑞鳳圖

瑞鳥千年不一來天風吹翮落山隈物難常見宜為怪

祥出非時反召災照耀丹青遺影在扶搖九萬斫雲開
摩挲石刻求真跡風雨無情漬綠苔

趙公泉

泠泠清瑩細涓涓灌徹園蔬到藥田抱甕澆畦慚我拙
發源成委羨君賢靜留明月浮丹桂深鑿方池養碧蓮
石爛海枯千萬祀佳名才喚趙公泉

趙侯智士喜流水自親畚鍤開雲根源高潤下恩波遠
勢阻宅憂地脉尊不用桔槔忙俯仰肯隨杯勺便清渾

等閒只放潛蛟勢只恐雲雷半夜翻

奉和耶律監司柳溪別墅韻

市聲已遠溪聲大萬柳風烟出奇態上客華筵卷畫中
錦鞵玉勒鶯花外人希名伯播清風樹比甘棠有遺愛
山城燈火夜歸來竹馬兒童引飛蓋

長清縣作

府州司縣無良吏詞訟紛紜千萬端鶴短鳧長誰與辯
涇清渭濁兩相謾經年累歲隨衙苦虐寡欺孤飲恨冤

按察徵明隨馬去倒懸急轉幾時寬

得雷董二公書因以成詠兼寄舍弟紹明

日月昏冥四十春
天開英主御昌辰
聖功神武雄千古
德化人文燦一新
草木自今多雨露
乾坤無復混風塵
友于為記情親話
壯歲聲名要自振

塔吉甫透月嶺仲謀作記并詩

久聞塔氏蓄奇峯
一記形容在目中
奄魯跨齊盤泰岱
千巖萬竅倚崆峒
蒸騰雲雨神功具
限隔晨昏氣象同

正笑莊生齊小大又從絕頂月生東

寄子勉

分手盧溝又歲餘別來不得半行書
虎符未攝新交密雁字先從故友踈
渭水綠波晴艤棹樊川紅樹晚停車
從教富貴相忘久時冀人來問起居

輔巖王文甫堂南月桂花

王氏堂前月桂花歲無虛月不紛葩
清香暗度如臍麝紫艷光生奪海霞
盛暑隆冬從荏苒野桃山杏漫交加

偶因草木求徵驗盛德如君有幾家

寄康經歷國來

萬事紛紜盡偶然棄非愚鄙用非賢風雲無路紆長策
日月流光惜壯年蹭蹬跼明鏡裏謳歌慷慨缺壺邊
老當益壯英雄事何物區區負郭田

寄文玉德貞樞府二經歷

卧病荆南兩歲過老來事業更蹉跎喜同疲叟西成樂
坐閱長江東逝波粗著陳言消永日恨無佳酒發高歌

玉京親友如相問楚水楓林兩鬢皤

弔鈕祐祿平章

生逢昌運踏亨衢滿月丰神七尺軀氣壓萬夫輕一芥
眼高四海笑羣愚虎韜未盡羅英畧台鼎重登籍遠謨
惆悵冠軍樓下水作聲嗚咽滿江湖

送高書吏之大都

儒術通方吏業公有才如此豈終窮輕張汗漫垂天翼
穩跨扶搖萬里風同仕分飛傷睠睠草詩祖餞惜匆匆

鳳凰池上休相憶，告老將為田舍翁。

哀詩人楊春卿

違奉清談兩月強，豈期微疾作膏肓。百年不為謀生累，
一語無遺便坐亡。閱世驚迴黃卷夢，騎龍還返白雲鄉。
從今窪下經行路，忍淚慵過舊草堂。

寄張周卿監察

拜辱佳詩報未曾，癡鴉無力趁雲鵬。稱譽過分徒增愧，
懃厚多情可服膺。華月流空見顏色，餘霞散綺慕才能。

年來鄙跡無勞問
禿鬢衰容一老僧

自貽

閒庭幽獨樂從容
細細疎簾暗度風
一曲浩歌時自悅
數章新韻與誰同
暑殘涼嫩高空碧
葉薄林疎晚照紅
壯歲本無經濟學
正宜蕭散卧儒宮

